



Claudii Fleurii Abbatis Historia Ecclesiastica

Ab Anno Christi 1143. Usque Ad Annum 1176

Fleury, Claude

August. Vind. [u.a.], 1762

VD18 90118014

§. 53. S. Petrus Tarentasiensis Alexandro favet.

[urn:nbn:de:hbz:466:1-66377](#)

ab Antecessore ejus fundata, vestem Mo- *Sæcul. XII.*
nasticam induisset, ubi etiam sepultus est. *A.C. 1161.*

Successorem natus est Henricum, Regis Ludovici fratrem, antea Episcopum Belyensem, & olim Cisterciensem Monachum, quem Clerici populusque Remensis unanimes Archiepiscopum elegerunt. Ergo decima quarta Januarii anno millesimo centesimo sexagesimo *Sup. Lib.* secundo ad illam Cathedram translatus, *LIX. §. 44.* annis tredecim sedet.

Haud diu postquam Episcopum Teruanensem confirmasset, Alexander Papa Regis & Ecclesiæ Anglicanæ precibus dedit, ut Eduardus Rex, ante annos nonaginta quinque ad cœlestem Beatitudinem translatus, Sanctorum *Sup. Lib.* catalogo insereretur. Quod ex Bulla *LXI. §. 18.* ad Episcopos ceterosque Angliæ Prælatos directa, & Anagniæ septima Februarii anno millesimo septingentesimo sexagesimo primo data discimus. In ea dicit Pontifex, tanti momenti causas de consuetudine non nisi in solemnibus Conciliis definiri. S. Eduardus quinta die Januarii inter Confessores colitur.

*Martyr.
Rom. 5.
Jan.*

§. LIII.

S. Petrus Tarentasiensis Alexandro favet.

Alexander Papa edoctus, quanto zelo

S. Petrus Archiepiscopus Taren-

Ce 2 tasensis

Sæcul. XII. tasiensis Schismaticos persequeretur,
A. C. 1161. virum ad se accersivit. Verum prius
 quam progrediamur, vitæ series hujus
 S. Præfusilis nobis repetenda est. Cum
 virum humilem summa veneratio, qua
 ipsum omnes ob miraculorum suorum
 frequentiam venerabantur, affligeret
 atque terroreret, quadam nocte clam cum
 unico socio per vias difficiles & rupes
 inaccessibiles effugit, ac mutatis sâpe
 viæ ducibus tandem solus in quoddam
 Monasterium Ordinis Cisterciensis in
 Germania pervenit, ignotus omnibus
 monachis, quibuscum, quia ipse lingua
 Teutonicæ, & illi Italicæ ignari erant,
 sermonem conserere non poterat. Igi-
 tur ut vulgaris conditionis monachus
 ibidem receptus aliquamdiu exoptata
 quiete potitus est. Interim Petri do-
 mestici & populi Dicecesani simul omnes
 interrogare, ubi Archiepiscopus esset,
 quo fugisset, vel quis saltem de eo certa
 referre posset, tumque ad tristiora con-
 verti. Multis vicinas regiones scrutanti-
 bus, quidam juvenis, quem Archiepi-
 scopus a prima ætate educaverat, ad
 illud monasterium, ubi latitabat, de-
 latus, Petrum cum aliis Fratribus ad
 laborem exeuntibus procedere conspicit,
 simulque maxima contentione exclamat:
*Carissime Pater! novi te. Jam nemo
 te mibi eripiet. Monachi quantus An-*
tistes

tistes esset Petrus edocti stupent, tota Sæcul. XII.
 Congregatio ad ejus pedes provolvitur, A. C. 1161.
 veniam rogat, quod debitam reveren-
 tiam non exhibuisset, omnes lacryman-
 tur, quamvis nemo amarius fleret, quam
 ipse Præsul, quod solitudinis dulcedi-
 nem iterum exuere cogeretur. Hujus
 rei fama in omnem late provinciam
 sparsa S. Præsul ad gregem suum, qui
 ejus absentiam vehementissime doluerat,
 redire compellitur. Post redditum quo-
 rumdam inimicorum implacabilium odia
 inveterata extinxit, Principes permovit
 ad mutuam gratiam ineundam, bella
 patriam devastantia composuit. Præ-
 terea non exiguo numero miracula
 edidit.

Exorto deinde schismate, cum ejus Ecclesia in terris, Imperio subjectis, posita esset, solus ferme ex omnibus Archiepiscopis bonam causam tuitus est. Quin etiam complures Schismaticos ad Ecclesiam reduxit, propinquas provin- cias peragrans & ubique sacerdotali libertate prædicans. Imperator, dum alios Catholicos persequebatur, Petrum reverebatur, & Schismaticis ipsi ob- jicientibus, quod tanta lenitate pro priam causam perderet, respondebat: *Si homines de me male meritos castigo, num vultis, ut etiam Deo resistam.* Ceterum in illis regionibus Heberto Archi-

Cc 3 episcopo

Sæcul. XII. episcopo Vesuntino nemo ferventius
A. C. 1161. Schismaticorum partes tuebatur. Cumque Imperator Vesunctionem divertisset, Petrus Archiepiscopus eum adiit, suast que, ne Catholicos persequeretur, præfertim viros Religiosos. Plurimos vero non solum ex civitate, sed etiam ex pagis circumiacentibus ad se turmatim venientes, a Deo communi oratione flagitare jussit, ut Hebertus Archiepiscopus vel vi cœlesti converteretur, vel ab ejus pravitate Ecclesia liberaretur. Orarunt populi & Hebertus post quartum quintumve diem e vita decepsit.

Ergo S. Petrus Tarentasiensis, ab Alessandro Papa vocatus, Catholicos in Hetruria consolabatur, & in ceteris Italiae partibus Schismaticos pudore obruebat, ex Cathedra publice in eos declamans, in illis ipsis urbibus, qua-

S. Petri Mirum Episcopi Octaviano favebant. Eum enim populi devotissime auscultabant, quia doctrinam, quam verbis proferebat, prodigiis confirmabat. Nulli alteri tantos honores decernebat Pontifex, nec ullum Episcoporum tunc temporis Ecclesia Romana tantum admirata est, nullum tanta reverentia & amore est prosecuta. Nemo de Curia Romana munera expectabat a Petro, qui sua omnia in pauperes erogabat. Nihilominus Dynastiarum aliquis S. Virum Roma rever-

revertentem invadere conatus est, equos Sæcul. XII.
 quinque, quos habebat, & pauca alia, A. C. 1161.
 iter facienti necessaria, direpturus. Sed
 en! cum laxatis habenis Archiepiscopum
 prædo insequitur, equus, inæquali humo
 fallente vestigium lapsus, crus fregit,
 illæso Domino. Qui periculo territus
 & conversus S. Præsulem adit, ad ejus
 pedes sese demittit, & veniam petit,
 ejus præsidio in acceptis referens, quod
 ipse, pereunte equo, incolmis serva-
 retrur.

Totus Ordo Cisterciensis, cuius
 membrum erat S. Petrus Tarentasiensis,
 cum ipso Alexandri Papæ Communio-
 nem sequebatur, atque illa ætate com-
 plures Episcopos, plus quam septingentos
 Abbates & immensam monachorum
 multitudinem complectebatur. Eorum *Helm. I.*
Chron. Slav.
c. 91.
 auctoritas Alexandri Pontificis causæ
 multum profuit; quare ira accensus Im-
 perator Decretum edidit, quo omnes
 Cistercienses in Regno Germaniæ de-
 gentes vel Victorem Papam agnoscere,
 vel ex patria migrare jubebantur. Hinc
 complures Abbates cum suis Congrega-
 tionibus in Francia receptaculum quæ-
 rere compulsi. Cartusiensium quoque *Vit. S. An-*
thelm. c. 15.
Sur. 26.
Juin.
 exemplum magni ponderis contra Schis-
 maticos fuit. Nam Ordo iste omnium
 primus Alexandrum Papam veneratus
 est, cura & opera in primis duorum

Sæcul. XII. Monachorum Anthelmi & Geofridi, quo-
A. C. 1161. rum hortatu excitati Priores ceterique
 hujus Instituti monachi, postquam diu
 hæsitassent, Alexandro Papæ obedien-
 tiam promiserunt, compluresque Pra-
 fules in eadem Communione confirma-
 runt. Quo comperto Imperator, An-
 thelnum vehementer aversatus, a sua
 factionis Episcopis excommunicari cura-
 vit.

§. LIV.

Concilium Tolosanum.

Guil. Neu- Reges Franciæ Angliæque, pace inter
brig. 2. c.9. se firmata, ex utroque Regno Con-
 cilium Tolosæ anno 1161. celebrarunt
 frequentissimum, ut Alexandrum Papam
 solemniore ritu, quam in Comitiis hinc
 in Francia & inde in Anglia, Belvaci, apud
 *Nenf. Mar- Novum Mercatum *, & Londini coactis
 chè, agnoscerent. In eo centum Patres tum
 Tom. 10. Episcopi tum Abbates interfuerunt, una
Conc. cum Regibus Franciæ & Angliæ & multis
p. 1406. Proceribus. Aderant quoque Friderici
 Imperatoris & Regis Hispaniæ Legati,
 nec non utriusque Papæ Nuncii. Nam
 Alexander Cardinales tres, Henricum
 Pisanum, Joannem Neapolitanum, &
 Guilielmum Ticinensem miserat, Octa-
 vianus vero Guidonem Cremensem &
 Joannem S. Martini, solos, qui ipsi su-
 pererant, Cardinales, quippe Igmarum
 Epi-